

16

binden vñ messen in dir ee das sy kãm in ein böse freünd
 schafft. Aber aristotiles spricht. Die ersten bewegung d
 liebe geet ein durch das gesicht. hören vñ berüren durch
 die fünff sinn die vnß got vnd die natur geben hat. müg
 en wir nit entrimen noch entgeen noch empfliehen wir
 werden danõ bewegt. Den zwaien das ist zü dem tod vñ
 der liebe mag niemant entrimen. aber dye lieb mag vnd
 weilen wol vermidten werden wam du deine augen zü
 thüst. das sy nit sehen die lüpigkeýt. vmd die oren ver
 stopffest das sy nit leicht hören. vnd die züngen zãmest.
 das sy nit von vnrechter liebe red wider güt sitten vnd
 darumb müßent die fünff außern sinn von dem gemüt ge
 leidet werden an einẽ zaum. das sy nit fürschellig werden
 in der wütenden tozlichen anweisen verkeerten lieb

¶ De amicitia malorum hominum et stultorum vitanda.
¶ Darumb man die bösen gesellschaft der bösen mensch
 en vnd der vnweisen sol fliehen vmd meiden. wam von
 den gütten wirst du güt von den bösen verkeert. vnd bey
 den narren vnweiß. Vor dẽ vnweisen zü hören vergeiß
 nit dein ler. wam er jr nit acht vñ verschmecht sy. wam
 es ist ein natürlich eygenschaft an den vnweisen auff zü
 fahen ander leüt missetat vnd d seimen hatt er vergessen.
 vnd beleibt in seinẽ weg d vnweißheyt. er meint die an
 dern seien all thoren vñ er allein weiß. vñ ist sach das du
 ein freünd bist des vnweisen so wirst du jm gleich. vñ
 ist das du mit im kriegest oder lachest so hast du vnre.
 Straffest du in so straffest du in recht als einen schlaffen
 den der die wort nit hört oder nicht merckt. Item du solt
 ob du magst den thoren machẽ schweigen. so senfftest du
 zorn. item gib jm nicht wam es ist verlorẽ. sein freünd
 schafft magst du nit behalten. wam der vnweisen freünd
 schafft ist schwerer dann eisen. Er last sich nit straffen. er
 er machet dich vpl ee vnd belder selber zü einem thoren.
 vñ narre mitsampt jm ee das er ein weißheyt merckte